

KFUK-HJEMMET

MÅNADSHELSING

Desember 2018

Norsk KFUK, 52 Holland Park, W11 3RS
www.kfukhjemmet.org.uk/+442077279346



«Kloke ord frå staben»

No går me inn i desember, og med det kjem advent og juletid. Det vil også seie at det er 5 månadar sidan eittåringane 2018-19 kom til KFUK-hjemmet. Det er utruleg rart å sjå at me snart er halvvegs i året her på K, og eg trur eg snakkar for alle når eg seier at me er utruleg takksam for denne moglegheiten me har fått! London har så utruleg mykje å by på, og me har fått opplevd så mykje allereie. Det som gjeld er å finna balansen mellom å utforske og oppleve nye ting, og å ta seg tid til å slappe av og ta inn alle inntrykka.

Kanskje er advents- og juletida ein fin mogleik til å nettopp finne denne roen, samtidig som at det er mykje fine ting ein kan oppleve i desember. Gatene er pynta med lys, og det er uendeleg med konsertar og arrangement knytta til høgtida. Her på K har me blant anna adventsmiddag og juleverkstad for dei fastbuande, og det gler me oss veldig til!

Me nærmar oss også snart juleturnus for oss i staben. 13. desember drar halvparten av eittåringane heim på ferie, medan me som er igjen skal feire jul her i London. I romjula byter me, for då er gjengen som skal feire nyttår her komen tilbake.

For min eigen del vil eg sei at det er rart å ikkje skulle feire jul heime med familien, men etter å ha fått god innføring i juletradisjonane på K så ser eg fram til det likevel. Norsk jul blir det i alle fall, med blant anna pinnekjøtt og gudsteneste i Sjømannskyrkja på programmet. Eg trur det er viktig med tradisjonar, uansett om det er julemiddagen eller «Tre Nøtter til Askepott» ein synest er viktigast. Tradisjonar får ein nemleg til å føle seg heime.

Me håper at alle som skal feire anten jul eller nyttår på KFUK-hjemmet kjem til å føle seg heime her, og at feiringa blir minnerik.

Ha ei fin adventstid!



Anna-Kristina, eittåring



Jul og juletradisjonar

Desember er godt i gang, adventstida har starta og vi er midt i den mest tradisjonsrike tida på året.

Ellen Marie Skillingstad er prest i Sjømannskyrkja her i London og ho har mange tankar om jul. Når vi spurte ho kva jul betyr for ho fortel ho at «Julehøytiden er en tid da håpet i den kristne tro formidles. Fordi julen kan være en sårbar tid, synes jeg den viktigste påminnelsen vi kan gi hverandre i julen er Guds rolle i møte med oss mennesker, nemlig å gi håp og liv, uansett.» For ikkje lenge sidan, i haust, fekk Sjømannskyrkja ein eigen låt «Heim et annet sted på jord». «Sammen med alle som kommer for å feire jul i kirken i Esher og London skal jeg bidra til at Sjømannskirken er et sted det er godt å komme til på julaften - et hjem et annet sted på jord.»

Julen betyr ulike ting for oss alle. «Jul for meg er minst to konserter om dagen med Gilde wienerpølser til middag i fire uker i strekk. Jul kan være stressende, men det fineste med jul for meg er å se hele familien igjen og spise syv slag julekaker.» Dette er svaret Marcus Dawson, ein av dei fastbuende på huset, fortel oss. Han har i fleire år sunge i Sølvguttene og julekonserten deira er for han, som for mange andre, viktig å få med seg. «Min aller viktigste juletradisjon er å se Sølvguttene synge julen inn på julaften klokken fem. Det markerer slutten på julerushet og julehandelen og man kan lene seg godt tilbake med en god kopp gløgg og et varmt teppe.»

Fleire ser på juletida og desember som ei tradisjonsrik tid. Martine Kaspersen, som også bur på KFUK-hjemmet i år, fortel at ho kvart år må få med seg «Grevinnen og Hovmesteren på lille juleaften og kjøpe inn de siste gavene med brødrene mine. Den årlige julefesten med venner den 22. desember og «Tre nøtter til Askepott» på julaften.» Ho er svært glad i jula, men kan ikkje feire den kor som helst, ho seier at den må feirast i Noreg.

Noko som etterkvart er ein tradisjon på K er å få besøk av Kåre. Han jobbar kvart år som frivillig vaktmester på KFUK-hjemmet og har nettopp vore innom og «fiksa huset». Han liker seg godt i London. «I førjulstiden kan jeg være nærmest hvor som helst. Har ofte vært i London, selv om jeg synes julebelysningene starter noe tidlig.»

Ikkje alle nordmenn feirer jul i Noreg og nokon som i alle fall likar seg i London før jul er Anne Hovland-Pye, regnskapsføraren på KFUK-hjemmet. Ho har feira jul i London over 30 år. «Adventstiden på K er fylt med tradisjoner, baking, konserter og julefilmer. Det fineste er likevel å få lage jul sammen med stab og gjester». Ho har lang erfaring når det gjeld jul på K og desember i London. Ho har også mykje å anbefale i byen. «Førjulstiden i London byr på mange muligheter, men for meg er det beste alle julekonsertene og Carol Service i de mange fantastiske kirkene og å vandre gjennom de juleteinte gatene og minnes om at vi feirer Verdens lys.»

Alle har sine tankar om jul og sine juletradisjoner og vi ettåringar ser fram til ei tradisjonsrik, roleg og fin tid her på KFUK-hjemmet. Kom gjerne innom!



Kva har skjedd på K?



Julemiddag med underholdning

Den 2. desember satte vi ein fin start på adventstida med julemiddag og underholdning for gjestar og dei fastbuande. Dei fekk servert ribbe og det var både minikonsert og julequiz på programmet. Biletet til venstre viser pynta bord før julemiddagen og bildet under viser dei fastbuande som koser seg i finstova etter julemiddagen.



Vi ser fram til ei fin og roleg adventstid på K!



JULEBASAR

Frå den 23. – 25. november var det julebasar i sjømannskyrkja. Dette var eit flott arrangement kvar nordmenn i London vart samla. Julekaker frå KFUK-hjemmet var på plass!



PROGRAM Desember

TORS DAG 6. DESEMBER: JULEGRANTENNING PÅ TRAFALGAR SQUARE. VI GÅR FRÅ K KLOKKA 17.00. JULEGRAUT OG JULEFILM PÅ K KLOKKA 19.30

DET SKJER MYKJE KOSELEG PÅ K I DESEMBER. FØLG MED PÅ OPPSLAGA I GANGEN.

